

庾子山集卷之十

錢唐倪璠魯玉註釋

讚

黃帝見廣成子讚

莊子曰黃帝聞廣成子在崆峒之上故往見之廣成子南首而臥黃帝順下風膝行而進再拜稽首而問曰治身奈何而可以長久廣成子語以至道黃帝拜稽首曰廣成子之謂天矣

治身紫府問政青丘

抱朴子曰黃帝東到青丘見紫府先生受三皇內文以劾召萬

神又曰項曼都言到天上先過紫府金牀玉几晃晃昱昱東方朔十洲記曰長洲一名青丘在南海辰巳之地一洲之上專是林木故名青丘司馬相如子虛賦曰秋田平青丘服虔曰青丘國在東海東三百里

郭璞云青丘山名有田亦史記有國出九尾狐在海外龍湖鼎沒丹竈珠流

日黃

帝採首山銅以鑄鼎鼎成有龍下迎帝仙去小臣攀龍髯而上者七十二人魏地土記曰弘農湖縣有軒轅黃帝登仙處郊祀志曰少君言上祀竈皆可致物致物而丹砂可化為黃金黃金成以為飲食器則益壽益壽而海中蓬萊仙者迺可見疎雲即雨落木先之以封禪則不死者黃帝是也

秋

莊子廣成子曰白而治天下雲氣不待族而雨草木不待黃而落

至道須極長生

可求

即莊子云黃帝問治身奈何而可以長久廣成子語以至道是也

堯登壇受圖讚

尚書中候曰帝堯即政七十載脩壇河洛仲月辛日禮備至於日稷榮光出河休氣四塞龍馬銜甲赤文綠色登壇吐甲圖宋均曰稷側也論語考比讖仲尼曰吾聞帝堯率舜等升首山觀河渚見五老人於河一老曰河圖將來告帝期又一老曰山川魚鼈荷聖恩又

一老曰河圖推龍銜玉繩歌訖五老飛於天入於昂

登壇洛汭沉玉河湄

許慎曰水涯曰汭釋名曰湄眉也臨水如眉臨目也尚書中候

曰堯沉璧於河白雲起迴風搖落言帝堯築壇洛水之涯臨河沉玉也

丹圖馭馬綠甲

乘龜

鄭康成以為河圖洛書龜龍銜負而出如中候所說龍馬銜甲赤文綠色甲似龜背袤廣九尺

上有列宿斗正之度帝王錄紀興亡之數是也孔安國以為河圖即八卦是也榮光上幕休

氣連帷

尚書中候曰帝堯文明榮光出河休氣四塞鄭康成曰休美也四塞炫耀四方也雖

存克讓於見文思

堯典曰欽明文思安安

舜舞干戚讚

尚書禹拜昌言曰俞班師振旅乃誕敷文德舞干羽於兩階七旬有苗格

平風變律擊石來儀

杜預曰歌者吹律以詠八風周禮凡樂有一變至九變虞書曰

於予擊石拊石百獸率舞
又曰簫韶九成鳳凰來儀
璣玉衡以齊七政孔安國曰七政日月五星各異政
也書又曰竄三苗於三危孔安國曰三危西裔括地
志云三危山有峰故曰三危俗亦名
卑羽山在沙州燉煌縣東南三十里
空麾尚書正義曰釋言云干杵也孫炎曰干桴自蔽扞也以桴爲人扞通以干爲桴名故干爲桴郭璞曰舞持以自蔽翳故明堂位云朱干玉戚以舞大武戚斧也是武舞執斧執桴也
恭已無爲禮記曰昔者舜作五絃之琴以歌南風恭已無爲見論語
南風一曲

禹渡江讚

呂氏春秋曰禹南省方濟於江黃龍負舟舟中之人五色無主禹仰視天而嘆曰吾受命於天竭力以養人生性也死命也奈何憂於龍焉龍俛首低尾而逝則禹達乎死生之命利害之經也

三江初鑿九谷新成

禹貢曰三江初入史記索隱注

地理志有南江中江北江是為三江其南江從會稽吳縣南東入海中江從丹陽蕪湖東北至會稽陽羨縣東入海北江從會稽毗陵縣北東入海故下文東為中江又東為北江孔安國曰有北有東南可知也吳地記云松江東北行七十里得三江口東北入海為婁江東南入海為東江并松江為三江史記曰惟禹之功為大披九山按山之深處為谷風飛鷁涌水故詩云高岸為谷是九山得稱九谷矣

起龍驚

漢書音義曰鷁水鳥也畫其象於船樂天知首淮南子曰龍舟鷁首天子之乘也

命無待憂生

周易繫辭曰樂天知命故不憂即禹所謂受命於天生性死命之說也

危

舟遂靜亂機還平

漢書師古曰機所以刺船也

湯解祝網讚

呂氏春秋曰湯見祝網者置四面其祝曰從天墜者從地出者從四方來者皆離吾網湯

曰嘻盡之矣非桀孰為此者湯收其三面置其一面更敎祝者曰昔蛛螫作網罟今之人學紵欲左者左欲右者右欲高者高欲下者下吾取其犯命者漢南之國聞之曰湯之德及禽獸矣四十國歸之人置四面未必得鳥湯去其三面置其一面以網其國四十非徒網鳥也

連珠兩起合玉雙沉穀爲祥樹桑成樂林

史記殷本紀云太戊

立亳有祥桑穀生於朝一暮大拱太戊懼問伊陟伊陟曰帝之政其有闕與帝脩其德太戊從之而祥桑穀枯死殷復興諸侯歸之故稱中宗尚書孔安國傳曰祥妖怪也二木合生不恭之罰左氏傳曰宋公享晉侯於楚丘請以桑林杜預曰桑林天子之樂名三皇甫謐云殷樂一名桑林以桑林爲太蔭別名也

方落網一面驅禽德矣聖政仁乎用心

文王見呂尚讚

史記曰呂尚以漁釣干周西伯西伯將出獵
卜之曰所獲非龍非黿非虎非罴所獲霸王
之輔於是周西伯獵果遇太公於渭之陽與
語大悅曰自吾先君太公曰當有聖人適周
周以興子真是耶吾太公望子久矣
故號之曰太公望載與俱歸立為師

言歸養老

孟子語出

垂釣西川

西川濱也

岸止磻石溪惟小

船

酈元水經注曰磻溪中有泉謂之茲泉積水為陣
即太公釣處今謂之凡谷有石壁深高幽邃人跡

罕及東南隅有石室蓋太公所居水次盤石釣處即
太公垂釣之所其投竿跪餌雨膝遺跡猶存是磻溪

之稱也其水清冷神異
北流十二里注於渭

風雲未感意氣怡然

從易曰雲從龍風

從虎言未遇文王之時釣
此磻溪其意氣怡然樂也

有此相望於茲幾年

望謂太公

也

武丁迎傳說讚

史記曰帝武丁卽位思復殷而未能其佐三年不言政事決定於冢宰以觀國風武丁夜夢得聖人名曰說以夢所見視羣臣百吏皆非也於是乃使百工營求之野得傅說於傅巖中是時說爲胥靡築於傅巖見於武丁武丁曰是也得而與之語果聖人舉以爲相殷國大治故遂以傅巖姓之號曰傅說

虞田路斷辭澗泉飛躬勞版築有弊韋衣賢臣入夢

天賜無違千巖之下遂得同歸

皇甫謐曰高宗夢天賜賢人胥靡之衣蒙

之而來曰我徒也姓傅名說天下得我者豈徒也哉武丁悟而推之曰傅者相也說者懽悅也天下當有傅我而悅民者哉明以夢視百官百官皆非也乃使百工圖寫其形象求諸天下果見築者胥靡衣褐帶索執役於虞號之間傅巖之野名說以其得說傅巖謂之傅說尸子云傅巖在北海之洲孔傳言虞號之也界也

成王刻桐葉封虞讚

呂氏春秋曰成王與唐叔虞燕居援梧葉以爲珪而授唐叔曰余以此封汝虞喜以告周公周公以請曰天子其封虞耶成王曰余一人與虞戲也周公對曰臣聞之天子無戲言天子言則史書之工誦之士稱之於是遂封叔虞於晉

虞叔百里居河之汾帝刻桐葉天書掌文

左傳昭元年子產曰

唐叔虞當武王邑姜方震大叔夢帝謂已余命而子曰虞遂與之唐屬諸參而蕃育其子孫及生而有文在其手曰虞遂以命之及成王滅唐而封大叔焉故參爲晉星由是觀之則實沈參神也昔金天氏有裔子曰昧爲玄冥師生臺駘能業其官宣汾洮障大澤以處太原帝用嘉之封諸汾川沈姒蓐黃實守其祀今晉主汾而滅之矣由是觀之則臺駘汾神也是禮晉之建國居河之汾也天書掌文謂參爲晉星也以成德樂以歌薰天子無戲唐其有君

漢高祖置酒沛宮讚

漢書曰高祖姓劉氏諱邦字季沛豐邑中陽里人也項羽封爲漢王後平羽立爲天子高祖還過沛留置沛宮召故人父老子弟佐酒發沛中兒得百二十人教之歌酒酣上擊筑自歌大風起兮雲飛揚威加海內兮歸故鄉安得猛士兮守四方

遊子思舊來歸沛宮還迎故老更召歌童雖欣入沛

方念移豐

漢書地理志云京兆新豐高祖七年置應劭曰太上皇思東歸於是高祖改築城市

街里以象豐徙豐民酒酣自舞先歌大風以實之故號新豐

漢武帝聚書讚

後漢書翟酺上言曰武帝大合天下之書注云武帝詔曰其令禮官勸學舉遺興禮舉遺謂搜求遺逸是合天下之書也此讚聚書當謂是矣

獻書路廣藏書柱開

劉歆七年曰漢武帝開獻書之路一年之間書積如丘山史記

日老子周守藏室之史也索隱曰藏室史乃周藏書室之史也又曰張蒼爲御史主柱下方書索隱曰周

秦皆有柱下史所掌及侍立恒秦儒出谷漢簡吹灰

在殿柱之下故老聃爲柱下史

衛宏詔定古文官書序曰秦始皇改古文爲篆隸國

人多謗乃召諸生至者皆拜爲郎凡七百人密令冬

月種瓜於驪山硎谷中溫處瓜實使往視之先爲伏

機諸生方相論辨發機填之以土皆終命顏師古漢

書注曰今新豐溫湯之處號愍儒鄉溫湯西南三里

有馬谷谷之西岸有阮古老相傳以爲秦坑儒處也

漢簡吹灰者謂求之芝泥印上玉匣封來

言漢時得

於秦人灰燼之餘也

玉檢坐觀風俗不出蘭臺

續漢書曰蘭臺令史六人也

主文

袁盎諫文帝讚

史記曰孝文帝出趙同驂乘袁盎伏車前曰
臣聞天子所與共六尺輿者皆天下豪英今
漢雖乏人陛下獨奈何與刀鋸餘人載於是
大笑下趙同趙同泣下車文帝從霸陵上欲
西馳下峻阪袁盎騎並車攀轡上曰將軍怯
耶盎曰臣聞千金之子坐不垂堂百金之子
不騎衡聖主不乘危而微幸今陛下縱自輕
奈高廟太后何上乃止
袁字或作爰

千乘峻轍六轡危行東都賦曰千乘萬騎天子法駕也詩

曰六轡在手峻轍危行謂下峻阪也跡廻松坂山敘疑作柳城坂也水

經注曰霸水西巡曉關北歷曉柳城龍淵地狹華蓋風驚龍淵劍名吳越春秋曰楚

王召風胡子而告之曰寡人間吳有干將越有歐冶寡人欲因子請此二人作劍可乎曰可乃往見二人

作劍一曰龍淵又三輔黃圖有龍淵廟在茂陵東華蓋天子之蓋也崔豹古今注云黃帝所作又西京雜

記曰終南山有樹直上百丈無枝上結葉條如車蓋
葉一青一赤望之斑駁如錦繡長安謂之丹青樹亦
云華賢臣攬轡可謂忠貞賢臣謂
蓋樹袁盎也

朱雲折檻讚

漢書曰朱雲字游魯人也成帝時丞相故安
昌侯張禹以帝師位特晉甚尊重雲上書求
見公卿在前雲曰今朝廷大臣上不能匡君
下亡以益民皆尸位素餐孔子所謂鄙夫不
可與事君苟患失之無所不至也臣願賜尚
方斬馬劍斬佞臣頭一人以厲其餘上問誰
也對曰安昌侯張禹上大怒曰小臣居下訕
上廷辱師傅罪死不赦御史將雲下雲攀檻
檻折雲呼曰臣得下從龍逢比干遊於地下
足矣未知聖朝何如耳於是左將軍辛慶忌
免冠解印綬叩頭殿下曰此臣素著狂直於
世使其言是不可誅其言非固當容之臣敢
以死爭慶忌叩頭流血上意解然後得已及
後當治檻上曰勿易因而輯之以旌直臣

上書直諫有忤明君先求斬馬遂請魚文身摧欄檻

義烈風雲應從御史翻賴將軍

應從御史者謂上怒御史將雲下也翻賴

將軍者謂左將軍辛慶忌以死爭乃得免也

周公戒伯禽讚

尚書大傳曰伯禽與康叔朝於成王見周公三見而三咎之康叔有駭色乃與伯禽問於商子商子曰南山之陽有木名橋北山之陰有木名梓二子盍往觀焉二子往觀之見橋木高而仰見梓木實而俯反以告商子商子曰橋者父道也梓者子道也二子明日復見入門而趨登堂而跪周公迎拂其首而勞之曰汝安見君子乎二子以實對公曰君子哉

伯禽居魯鳴玉來朝周公政治爲國風謠北山有梓南山有橋禮容雖備俯仰無驕

五月披裘負薪讚

皇甫謐高士傳曰披裘公者吳人也延陵季子出遊見道中有遺金顧披裘公曰取彼金投鏃公瞋目拂手而言曰何子處之高而視人之卑五月披裘而負薪豈取金者哉季子大驚既謝而問姓名公曰吾子皮相之士何足語姓名也

披裘當夏俗外爲心雖逢季子不拾遺金禽巢欲遠魚沉惟深清聲滅跡何必山林

王祥扣冰魚躍讚

晉書曰王祥字休徵瑯琊臨沂人性至孝後母朱氏常欲生魚時天寒冰凍祥解衣將剖冰求之冰忽自解雙魚躍出持之而歸

王祥之母鮮鱗是求冰連釣浦凍塞寒流精誠有感

無假沉鉤二老同膳雙魚共浮

孫叔敖逢蛇讚

賈誼新書曰孫叔敖爲兒時出道上見兩頭蛇殺而埋之歸見其母泣問其故對曰夫見兩頭蛇者必死今出見之故爾母曰蛇今安在對曰恐後人見殺而埋之矣母曰夫有陰德必有陽報爾無憂也後遂興於楚朝及長爲楚令尹

叔敖朝出容悴歸家母氏顧訪知埋怪蛇爾有陰德陽報將加終爲楚相卒享榮華

高鳳好書不知流麥讚

後漢書曰高鳳字文通南陽葉人也少爲書生家以農畝爲業而專精誦讀晝夜不息妻嘗之田曝麥於庭令鳳護雞時天暴雨而鳳持竿誦經不覺潦水流麥妻還怪問鳳方悟